

**Sapos yu i gat sampela moa askim,
yu ken go lukim ol NARI Livestock
Opisa or rait i go long:**

Livestock Information Centre
National Agricultural Research Institute
Livestock Research Programme . Labu
PO Box 1639
Lae 411
Morobe Province

Phone: (675) 475 1066/ 475 1248
Facsimile: (675) 475 1248.



National Agricultural Research Institute

**Toktok bilong lukautim Broila Kakaruk
wantaim NARI Broila Konsentret**



**NARI TOKTOK
LAB018 (P)**

October 2010

Hia em ol sampela samting ol fama i mas mekim taim ol i laik kamapim kakaruk wantaim NARI Broila Konsentret.

Stretim Haus

Pastaim long yu baim pikinini kakaruk long stoa, yu mas stretim haus kakaruk bilong yu.

- Klinim insait long haus
- Putim nupela sodast
- Banisim gut haus kakaruk long stopim snek, rat, dog o stilman long baga-rapim ol kakaruk.

Stretim bokis bilong pikinini kakaruk

- Bokis o bruda, em i wanpela liklik banis we ol pikinini kakaruk i ken stap insait long en igo inap olsem 2 wiks
- Dispela bokis i mas raunpela, hot insait na igat gutpela spes, bikos i nogat mama kakaruk bilong karamapim ol.
- Wokim bokis wantaim braun bokis, plai wut, lip saksak, o mambu

Tok Lukaut

Long helpim yu gut long rot bilong usim NARI

Broiler Konsentret stret, kamapim gut kakaruk na abrusim birua.

Noken larim ol pikinini bilong yu stap klostu

long Konsentret o holim Konsentret.

Wasim han behain long yu usim Konsentret.

NARI Konsentret i gat smell na i ken mekim yu kus.

Wasim gut ol fida na drinka na draim long

laplap sapos ol i doti pastaim long you givim narapela mix kaikai long ol kakaruk.

Senisim ol sodast sapos ol i wet na smell nogut tru, em sapos yu lukautim kakaruk long graun floa.

I gutpela moa sapos you lukautim kakaruk antap long graun wantaim mesh waia floa or mambo pas pas floa

Bihainim ol skul toktok gut long we bilong

mixim NARI Konsentret em bai i helpim ol kakaruk bilong yu i kamap bikpela hariap.

OI Piksa i soim wei bilong miksim Kaukau o Tapiok wantaim NARI Konsentret



Brukim kaukau o tapiok long han inap em i meme tru



Miksim NARI Broila Konsentret wantaim kaukau o tapiok



Putim kaikai insait long Fida na ol Kakaruk i ken kaikai

- Putim sampela katen o niuspepa antap long sowedast inap yu ken putim kaikai o sapos yu gat liklik fida bilong pikinini kakaruk orait usim dispela.
- Pulapim wara long liklik drinka bilong pikinini kakaruk o sapos yu gat bikpela drinka, orait putim sample liklik ston insait gen long hap bilong drink wara
- Givim lait long nait tasol. Yu ken usim pawa lait olsem 60/100 watt bulb (hangamap namel antap long het bilong bokis) o sapos nogat pawa, yu ken usim kerosin lam namel insait long bokis we i mas gat banis bilong en olsem mes waia raunim galas bilong lam.

Redim Kaikai bilong kakaruk

Taim fama i laik lukautim 1-pela bokis kakaruk, em i mas redim:

- 2-pela beg Nuigini Table birds Stata Krambla

- 210 kilo bilong kaukau o nogat, 210 kg bilong tapiok.
- 40 kilo bilong NARI Broila Konsentret.

Givim Kaikai

- Yu ken givim stata fid long pikinini kakaruk long dei 1 igo inap long dei 21.
- Long dei 22 igo inap long dei 42 (taim blo salim), yu ken mixim kaukau o tapiok wantaim NARI Broila Konsentret na givim ol kakaruk.
- Taim yu stat mixim wantaim kaukau orait yu bai usim kaukau tasol na sapos tapiok em yu bai usim tapiok tasol. Gut-pela moa sapos kaikai bilong kakaruk istap long fida olgeta taim.
- Long wan wan dei, you mas sekim wara long wanem kakaruk i save nidim gut-pela klinpela wara olgeta taim.

Wei bilong miksim NARI Broila Konsentret wantaim Kaukau o Tapiok

- Long wanpela dei, yu ken kukim kaukau o tapiok na miksim 3-pela kap wantaim 1-pela kap NARI Broila Konsentret. Skelim hap bilong givim long moning taim na hap bilong givim long apinun taim.
- Kisim kaukau o tapiok na boilim long paia.
- Bihain em tan, rausim wara na larim em drai na kol liklik.
- Brukim kaukau o tapiok long han inap em meme tru
- Kisim 1-pela kap NARI Broila Konsentret na mixim wantaim 3-pela kap kaukau o tapiok inap kala bilong ol i wankain.
- Em nau kaikai bilong kakaruk i redi long ol bai kaikai.